

倭伊豆若狹三國飢疫百姓壬午賑給伊賀駿河長門三國疫飢之民

〔續日本紀<sup>十七</sup>聖武〕天平十九年四月己未紀伊國疫旱賑給

〔續日本紀<sup>二十二</sup>淳仁〕天平寶字四年三月丁亥伊勢近江美濃若狹伯耆石見播磨備中備後安藝周防紀

伊淡路讚岐伊豫等一十五國疫賑給之四月丁巳志摩國疫賑給之五月戊申勅如聞頃者疾疫

流行黎元飢苦宜天下高年鰥寡孤獨癯疾及臥疫病者量加賑恤當道巡察使與國司視問患苦賑給若巡察使已過之處者國司專當賑給務從恩旨

〔續日本紀<sup>三十三</sup>光仁〕寶龜五年二月壬申一七日讀經於天下諸國攘疫氣也四月己卯勅曰如聞天下

諸國疾疫者衆雖加醫療猶未平復朕君臨宇宙子育黎元興言念此寤寐爲勞其摩訶般若波羅密者

諸佛之母也天子念之則兵革災害不入國中庶人念之則疾疫癘鬼不入家內思欲憑此慈悲救彼短

折宜告天下諸國不論男女老少起坐行步咸令念誦摩訶般若波羅密其文武百官向朝赴曹道次之

上及公務之餘常必念誦庶使陰陽叶序寒溫調氣國無疾疫之災人遂天年之壽普告遐邇知朕意焉

〔續日本紀<sup>三十六</sup>光仁〕寶龜十一年三月乙酉駿河國飢疫遣使賑給之五月乙亥伊豆國疫飢賑給之

〔續日本紀<sup>四十四</sup>桓武〕延曆十年五月乙丑<sup>日</sup>○五天皇以天下諸國頻苦旱疫詔停節會

〔類聚國史<sup>百七十三</sup>災異〕大同二年十二月戊寅遣使賑給京中疫者三年正月己丑遣使賑給京中疫病

百姓甲午遣使將醫藥治京中病人乙未遣使埋斂京中骸骨勅頃者疫癘方熾死亡稍多庶資惠

力救茲病苦宜令諸大寺及畿內七道諸國奉讀大般若經又給京中病民米并鹽豉等戊申給右京

遭疫者綿二月丙子御大極殿祈禱名神爲天下疫氣方熾也三月癸未朔令天下諸國七日之內

共講仁王經爲疫病也庚寅內裏及諸司左右京職講說仁王經爲濟疫病也

〔日本後紀<sup>十七</sup>平城〕大同三年五月己丑遣使療治左右京病民辛卯詔曰朕以寡昧虔嗣丕基履薄如傷

黔首之隱是恤馭奔若厲紫宸之尊非寧刻己思治勵精施政而仁無被物誠未感天自從君臨答徵斯